



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

XLV. Das Domkapitel in Magdeburg verkauft Schloß Grabow an den
Bischof von Brandenburg, im Jahre 1306.

Nutzungsbedingungen

[urn:nbn:de:hbz:466:1-55861](https://nbn-resolving.org/urn:nbn:de:hbz:466:1-55861)

prepositus in witzstock, Hinricus de Aluensleue, Johannes de Buck, Nicolaus de Buck, dapifer, Hardegunus de Bardeleue, milites et quam pluribus aliis fide dignis. Datum In lownberg, anno domini Millesimo tricentesimo quinto, dominica In excelso trono.

Aus dem Manuale des Domkapitels zu Magdeburg de 1489—1513 (Copiarium No. 55) f. 100.

XLV. Das Domkapitel in Magdeburg verkauft Schloß Grabow an den Bischof von Brandenburg, im Jahre 1306.

Bernhardus prepositus, Gotfridus decanus dei gracia, totumque Capitulum Ecclesie Magdeburgensis vniuersis presentia visuris seu auditoris Salutem et ad noticiam futurorum. Cum hominis vita breuis etc. — Hinc est, quod nos attestacione presentium publice recognoscimus et In omnium et singulorum volumus presentium et futurorum noticiam deuenire, quod nos indicto ad hoc Capitulo et vocatis omnibus, qui fuerunt vocandi, habito tractatu inter nos et discretorum prouido consilio de communi consensu et vnanimi et bona voluntate nostrorum omnium et omnium, quorum interest, vendidimus, dedimus et donauimus Venerabili In cristo patri et domino Frederico, Brandenburgensi Episcopo, et Ecclesie sue Brandenburgensi Castrum et opidum Grabow cum omni Jure et proprietate Castrum cum vtili dominio et directo et omnium In posterum cum terris et villis adiacentibus, scilicet Bultzin, Stresen, Cufule, Peffetes, Rodekendorp, Magnum Grabow et paruum Subbekendorp, Kame, paruum Stegelitz, Ikenendorp, wormeliz, Sreptz, Putzpul, zubyer, Konre cum Jure patronatus ac molendinis Infracriptis, videlicet molendinum In Bultzim, molendinum In magna wulffhagen, molendinum In Berbem, molendinum In parua Grabow, molendinum, quod frater Johannes edificauit, molendinum In wuften, molendinum, quod dicitur Rore, molendinum In Nuhil, molendinum In Cufule et molendinum, quod dicitur wiremollen, Siluis, lignis, nemoribus, venationibus, viis et Inuis, cultis et Incultis, pratis, pascuis, piscariis, stagnis, paludibus, aquis aquarumque decursibus, cum omnibus seruitiis, Jurisdictionibus et Juribus vniuersis, quocunque nomine censeantur, Et eodem Jure, sicut Ecclesia dudum possedit nostra et possidet, Renuntiantes exnunc omni actioni, defensionis et exceptioni cuiuslibet contra Ipsum et Ecclesiam Brandenburgensem super Impetitione Castrum memorati, que nobis competunt et Imposterum competere videbuntur, pro mille marcis stendaliensis argenti magdeburgensis ponderis, quam pecuniam ad vsus confirmationis et consecrationis ac petitionis ac receptionis pallii expensarum faciendarum a nobili ac honorabili viro domino Hinrico de Anhalt, nostre Ecclesie In patrem et dominum Archiepiscopum a nobis concorditer electum, conuertimus, cum alia nobis sibi succurrendi via non extitit nec Inuenire commodius Ecclesie nostre poterimus. Quam etiam pecuniam et Integraliter ab ipso numeratam recepimus et ponderatam, prout nobis et Ecclesie nostre videbatur plenius expedire, de qua Ipsum et Ecclesiam suam liberam et solutum et quitum reddimus Ipsum et suam Ecclesiam presentibus et quitamus. In huius autem nostre venditionis, donationis et translationis confirmacionem et euidenciam pleniorum, Et ne dictus noster contractus Infirmari valeat et Infringi, nos in nostri consensus euidens

testimonium nos presentem paginam de nostro Jussu speciali et certa scientia conscriptam Eidem domino Episcopo et Ecclesie sue tradimus et sigillorum nostrorum munimine roboratam appositis testibus, qui dicto contractui affuerunt, quorum nomina subsequuntur, Scilicet Illustris princeps dominus Bernhardus, Comes de Anholtt, dominus walterus de Arnstein, dominus Geuehrardus de Quernuorde, Canonici Ecclesie nostre, dominus Arnoldus de Luttere, Scolasticus Ecclesie Sancti Nicolai In Nouo foro Magdeburg., dominus Hinricus de plotzke, dominus Bernhardus de Nigrip, dominus Hermannus de Indagine, dominus Conradus de Belitz, Johannes de Bardeleue, Johannes dictus Burggrauus, Milites, et alii tam clerici, quam laici fide digni. Actum et Datum Magdeburg, anno domini Millesimo tricentesimo sexto, In Epiphania domini.

Copiarum No. 21 f. 156 des Königl. Prov.-Archivs zu Magdeburg.

XLVI. Heinrich, Erzbischof von Magdeburg, bestätigt dem Stifte zu Brandenburg den Besitz des Schlosses Grabow, am 17. Februar 1307.

Hinricus, dei gracia Sancte Magdeburgensis Ecclesie Archiepiscopus, vniuersis et singulis tam presentibus, quam futuris hoc presens nostrum scriptum visuris et auditoris Salutem In eo, qui est omnium vera salus. Ne ea, que fiunt In tempore, simul labantur cum tempore, Expediit, vt in scripta publica redigantur. Notum Igitur esse volumus per presentes nostras litteras omnibus et singulis et In noticiam tam presentium quam futurorum peruenire, Quod nos litteras honorabilium virorum dominorum Bernardi prepositi, Gotfridi decani totiusque Capituli nostre Ecclesie Magdeburgensis vidimus, perlegimus et audiuius non cancellatas, non abolitas, non suspectas nec In aliqua sui parte vitiatas, sed ex vero et Integro prefati Capituli Sigillo manu mauricii desuper depicta sigillatas, Quarum tenor erat talis: Bernhardus prepositus, Gotfridus decanus dei gracia totumque Capitulum Ecclesie Magdeburgensis etc. Nos Igitur prudenter et diligenter omnibus et singulis supradictis examinatis Inuenimus tam fideliter quam legaliter et vtiliter rei facta et verba, prout omnia et singula superius narrantur, sine aliqua nota et macula reprehensionis esse vera, Ideoque cum omnia et singula supradicta tam fauorabiliter quam canonicè pro nobis et Ecclesia nostra concepta sint et acta exigente iusticia per presentes nostras litteras, quemadmodum per prefatos dominos prepositum, decanum et Capitulum acta sunt, prout premittitur, venditionem, donationem et translationem prefati Castri Grabow et aliorum suprapositorum Innuamus et renouamus, gratificamus, ratificamus confirmando cum appensione et munimine nostri Sigilli roboramus. Actum et Datum Magdeburg, Anno domini CCC septimo, XIII Calendas Martii.

Copiale No. 21 f. 157 im Königl. Prov.-Archiv zu Magdeburg.